

L'apegu a la vida

Nun sé por qué será,
neso soi legu,
lo del tene-y al mundo
tantu apegu.

Facemos del vivir
siempre una queixa,
pero bien que lloramos
si alguien nos deca.

Por mal que unu viva,
si tás morriendo,
intentas agarrate
a un claru ardiendo

Siempre oyi qu'equi tamos
de empréstau,
pues, pues dir nun momentu
pal otru lláu.

Pa eso nu hai edaes,
ninguna norma.

Muerre'l que ta espiazaú
y el que tá en forma.

Doi gracias a la vida
por continuar
y también a la muerte
por esperar.

Gracias a los collacios
por preocupase.

Llamaes y visites
na ma enteráse.

Al pocu del infartu,
un día comprando,
díxme Luci, una amiga:

- Oye Fernando.

Cuando supe lo tuyo
queéme fría.

Dixé-y entós con soma:

- Amiga mía,
pensando seriamente
lo que pasó,
quien casi quea friu,
esi fui yo.

Yera mentira

La fama que Severón
tien de burru y de brutu,
tando de conversación
contómela Restitutu.

Diz que si una sebe atopa
de frente, que nun la salta,
que nu arremanga la ropa,
si-y estorba, que la balta.

Pa ayudalu a trabayar
compró una mula, "Soraya";
que nun fai ma que folgar
ye el quien puca y trabaya.

A veces el resultau
de facer tantas burraes,
nun resulta l'esperáu
y pagalo, son tontaes.

Viólu Eutu l'otru día
diendo col so amigu Rafa
y díxome que se-y vía
fechu a l'home una piltrafa.

Tenia un güeyu moráu
les ñaples toes espiazaes,
un brazu escayoláu
y les dos piernes hinchaes.

Dixó-y Eutu a Severón:

- ¿Cómo tas tan espiazaú?!

¿Dime, ¿cual ye la razón?!

¿Qué fuisti, atropelláu?!

¿Dix-y a Eutu: - N'home non.

Y saliendo del apuru
señala-y; ellí alatrón,
¿qué ye lo que ves? - Un murru.

¿Y aquél lletreru que pon,
tan grande com'una casa,

¿el qué trai? dix Severón.

¿Y dix Eutu: - Se traspasa.

- Pues yá lo ves compañeru,

- dix señalándose - amira,
lo que pon aquél lletreru,
xirote que ye mentira.